

1770.

Na osnovu člana 31 Zakona o zdravstvenoj zaštiti bilja („Službeni list RCG“, broj 28/06 i „Službeni list CG“, br. 28/11 i 48/15), Ministarstvo poljoprivrede, šumarstva i vodoprivrede donijelo je

P R A V I L N I K
O USLOVIMA I NAČINU OBAVLJANJA SMANJENOG OBIMA PROVJERA IDENTITETA I ZDRAVSTVENOG STANJA
POŠILJKE BILJA, BILJNIH PROIZVODA I OBJEKATA POD NADZOROM*

Predmet

Član 1

Ovim pravilnikom propisuju se uslovi i način obavljanja smanjenog obima provjera identiteta i zdravstvenog stanja pošiljke bilja, biljnih proizvoda i drugih objekata pod nadzorom (u daljem tekstu: pošiljke robe) prilikom uvoza u Crnu Goru.

Značenje izraza

Član 2

Izrazi upotrijebljeni u ovom pravilniku imaju sljedeća značenja:

- 1) **stopa učestalosti** je minimalni procenat pošiljaka robe, od ukupnog broja pošiljaka robe prispjelih na graničnom kontrolnom prelazu ili kontrolnoj tački tokom jedne kalendarske godine, za koje fitosanitarni inspektori vrše provjeru identiteta i fizičke provjere;
- 2) **sistem IMSOC** je informacioni sistem Evropske unije za upravljanje informacijama za sprovođenje službenih službenih kontrola.

Odabir pošiljaka za fizičke provjere

Član 3

(1) Fitosanitarni inspektor vrši odabir pošiljaka robe za fizičku provjeru na način da:

- 1) vrši nasumični odabir pošiljke, koji može biti generisan bez ili sa informacionim sistemom (fitosanitarni informacioni sistem ili automatsko generisanje sistema IMSOC);
 - 2) može da odluči da odabere pošiljku u skladu sa tačkom 1 ovog stava ili da odabere drugu pošiljku robe iste kategorije i istog porijekla.
- (2) Za svaku pošiljku robe koja je odabrana za fizičku provjeru u skladu sa stavom 1 ovog člana fitosanitarni inspektor vrši provjeru identiteta.

Stope učestalosti provjera identiteta i fizičkih provjera

Član 4

- (1) Fitosanitarni inspektor vrši provjere identiteta i fizičke provjere pošiljaka robe prema stopama učestalosti utvrđenim u skladu sa st. od 2 do 5 ovog člana.
- (2) Osnovna stopa učestalosti provjera identiteta i fizičkih provjera pošiljaka robe iz člana 1 ovog pravilnika iznosi 100 %.
- (3) Izuzetno od stava 2 ovog člana, provjere identiteta i fizičke provjere pošiljaka robe podliježu odgovarajućim stopama učestalosti datim u tom Prilogu 1.
- (4) Stope učestalosti iz stava 3 ovog člana ne primjenjuju se na:
- 1) bilje namijenjeno sadnji;
 - 2) svo bilje, biljne proizvode ili druge predmete na koje se primjenjuju posebne mjere radi njihovog unošenja na teritoriju Crne Gore u skladu sa propisom kojim se uređuje zdravstvena zaštita bilja.
- (5) Stope učestalosti iz stava 3 ovog člana određuju se u skladu sa kriterijumima iz Priloga 2.

Zahtjev za izmjenu stopa učestalosti provjera identiteta i fizičkih provjera

Član 5

(1) Organ uprave nadležan za poslove zdravstvene zaštite bilja (u daljem tekstu: Uprava) može podnijeti zahtjev Evropskoj Komisiji za izmjenu stope učestalosti provjera identiteta i fizičkih provjera pošiljaka robe ili njihovih kategorija koje ulaze u Crnu Goru kako bi Evropska Komisija utvrdila da li je takva izmjena odgovarajuća.

- (2) Zahtjev iz stava 1 ovog člana treba da sadrži informacije iz Priloga 3.

Izmjena stopa učestalosti provjera identiteta i fizičkih provjera određenog bilja, biljnih proizvoda i drugih predmeta

Član 6

- (1) Stope učestalosti iz Priloga 1 mijenjaju se uzimajući u obzir kriterijume utvrđene propisom kojim se uređuju službene kontrole, kriterijume iz Priloga 2 i informacije iz Priloga 3.
- (2) Stope učestalosti provjera identiteta i fizičkih provjera pošiljaka robe ili njihovih kategorija provjeravaju se najmanje jednom godišnje kako bi se u obzir uzele nove informacije prikupljene bez ili sa informacionim sistemima iz člana 3 stav 1 tačka 1 ovog pravilnika ili na osnovu drugih sistema koje su dostavile države, a koje se na odgovarajući način mijenjaju.
- (3) U sistem iz stava 2 ovog člana prema potrebi unosi se svaka izmjena liste bilja, biljnih proizvoda i objekata pod nadzorom ili njihovih kategorija kao i stopa učestalosti.

Primjena

Član 7

Odredbe člana 5 ovog pravilnika primjenjivaće se od dana pristupanja Crne Gore Evropskoj uniji.

Prilozi**Član 8**

Prilozi 1, 2 i 3 čine sastavni dio ovog pravilnika.

Prestanak primjene**Član 9**

Danom stupanja na snagu ovog pravilnika prestaje da važi Pravilnik o uslovima i načinu obavljanja smanjenog obima provjera identiteta i zdravstvenog stanja pošiljke bilja, biljnih proizvoda i objekata pod nadzorom* („Službeni list CG”, broj 75/18).

Stupanje na snagu**Član 10**

Ovaj pravilnik stupa na snagu osmog dana od dana objavljivanja u „Službenom listu Crne Gore”.

** U ovaj Pravilnik prenijeta je Implementirajuća Regulativa Evropske Komisije (EU) 2022/2389 od 7 decembra 2022. o utvrđivanju pravila za ujednačenu primjenu stopa učestalosti provjera identiteta i fizičkih provjera pošiljaka bilja, biljnih proizvoda i drugih predmeta koji ulaze u Evropsku Uniju*

Broj: 04-313/25-27034/3

Podgorica, 11. novembra 2025. godine

Ministar,

Vladimir Joković, s.r.

PRILOG 1

**STOPE UČESTALOSTI PROVJERA IDENTITETA I FIZIČKIH PROVJERA POŠILJAKA ODREĐENOG BILJA,
BILJNIH PROIZVODA I DRUGIH PREDMETA ILI NJIHOVIH KATEGORIJA**

Bilje, biljni proizvod ili drugi predmeti ili njihova kategorija	Država porijekla	Minimalna stopa učestalosti provjera identiteta i fizičkih provjera (%)
REZANO CVIJEĆE		
<i>Dianthus</i>	Kolumbija	3
<i>Dianthus</i>	Ekvador	10
<i>Dianthus</i>	Kenija	5
<i>Dianthus</i>	Turska	25
<i>Gypsophila</i>	Ekvador	3
<i>Gypsophila</i>	Kenija	5
<i>Phoenix</i>	Kostarika	50
<i>Rosa</i>	Kolumbija	3
<i>Rosa</i>	Ekvador	1
<i>Rosa</i>	Etiopija	25
<i>Rosa</i>	Kenija	25
VOĆE		
<i>Actinidia</i>	Sve treće zemlje	10
<i>Carica papaja</i>	Sve treće zemlje	10
<i>Fragaria</i>	Sve treće zemlje ¹	5
<i>Persea americana</i>	Sve treće zemlje ²	1
<i>Rubus</i>	Sve treće zemlje	5
<i>Vitis</i>	Sve treće zemlje	1
<i>Malus</i>	Evropske treće zemlje ³	10
<i>Prunus</i>	Evropske treće zemlje ^{3 i 4}	3
<i>Pyrus</i>	Evropske treće zemlje ³	10
<i>Vaccinium</i>	Evropske treće zemlje ³	50
<i>Citrus</i>	Egipat	50
<i>Citrus</i>	Izrael	25
<i>Citrus</i>	Meksiko	25
<i>Citrus</i>	Maroko	5
<i>Citrus</i>	Peru	10
<i>Citrus</i>	Turska	5
<i>Citrus</i>	SAD	75
<i>Malus</i>	Argentina	75
<i>Malus</i>	Čile	5
<i>Malus</i>	Novi Zeland	15
<i>Malus</i>	Južna Afrika	15
<i>Mangifera</i>	Brazil	75
<i>Passiflora</i>	Kolumbija	5
<i>Passiflora</i>	Réunion	10
<i>Passiflora</i>	Južna Afrika	75
<i>Passiflora</i>	Vijetnam	15
<i>Prunus</i>	Čile	25
<i>Prunus</i>	Južna Afrika	10
<i>Prunus</i>	Turska	25
<i>Pyrus</i>	Argentina	25
<i>Pyrus</i>	Čile	15
<i>Pyrus</i>	Kina	50
<i>Pyrus</i>	Južna Afrika	10
<i>Vaccinium</i>	Argentina	50
<i>Vaccinium</i>	Čile	15
<i>Vaccinium</i>	Peru	5
POVRĆE		
<i>Solanum lycopersicum</i>	Kanarska ostrva	15
<i>Solanum lycopersicum</i>	Maroko	1
Korjenasto i krtolasto povrće, osim krtola <i>Solanum tuberosum</i> L. ^{5 i 6}	Sve treće zemlje ²	5

Korjen i krtole vrste <i>Curcuma longa</i>	Tajland	35
MAŠINE		
Strojevi i vozila koji se upotrebljavaju u poljoprivredi	Sve treće zemlje	5

¹Osim Egipta.

²Osim Kameruna.

³ Albanija, Andora, Armenija, Azerbajdžan, Bjelorusija, Bosna i Hercegovina, Kanarska ostrva, Farska Ostrva, Gruzija, Island, Lihtenštajn, Moldavija, Monako, Sjeverna Makedonija, Norveška, Rusija (samo sljedeći dijelovi: Centralni federalni okrug, Sjeverozapadni federalni okrug, Južni federalni okrug, Sjevernokavkaski federalni Okrug i Federalni okrug Volge, San Marino, Srbija, Turska, Ukrajina i Ujedinjeno Kraljevstvo.

⁴Osim Turske.

⁵ Liste štetnih organizama bilja, biljnih proizvoda i objekata pod nadzorom ("Sl. list CG", br. 37/25) u skladu sa Implementirajućom Regulativom Evropske Komisije (EU) 2019/2072 od 28. decembra 2019. o utvrđivanju jedinstvenih uslova za sprovođenje Regulative (EU) 2016/2031 Evropskog parlamenta i Vijeća u pogledu zaštitnih mjera protiv organizama štetnih za bilje i stavljanju van snage Regulative Komisije (EZ) br. 690/2008 i dopunjujući Implementirajuću Regulativu Evropske Komisije (EU) 2018/2019, Prilog VII, tačka 12.

⁶Isključujući *Curcuma longa* i *Zingiber officinale* iz Perua i *Curcuma longa* iz Tajlanda.

PRILOG 2

KRITERIJIMI ZA UTVRĐIVANJE I IZMJENU STOPA UČESTALOSTI PROVJERA IDENTITETA I FIZIČKIH PROVJERA POŠILJAKA ROBE ILI NJIHOVIH KATEGORIJA

DIO 1

Kriterijimi Evropske unije za utvrđivanje i izmjenu stopa učestalosti provjera identiteta i fizičkih provjera pošiljaka robe ili njihovih kategorija

Nova stopa učestalosti može se uspostaviti kada:

- (a) prosječan broj pošiljaka koje su ušle tokom prethodne tri godine iznosi najmanje 200 pošiljaka godišnje;
- (b) minimalni broj pošiljaka bilja, biljnih proizvoda i drugih predmeta ili njihovih kategorija koje su ušle tokom prethodne tri godine i za koje su izvršene provjere dokumentacije, identiteta i fizičke provjere, iznosi najmanje 600;
- (c) broj pošiljaka bilja, biljnih proizvoda i drugih predmeta ili njihovih kategorija za koje je utvrđeno da su bile zaražene karantinski štetnim organizmima svake godine je manji od 1 % ukupnog broja pošiljaka navedenog bilja, biljnih proizvoda i drugih predmeta ili njihovih kategorija, uvezenih;

Stope učestalosti se mogu mijenjati uzimajući u obzir:

- (a) procijenjeni indeks pokretljivosti karantinski štetnih organizama u najpokretljivijoj fazi do koje bi se mogli razviti na relevantnom bilju, biljnim proizvodima ili drugim predmetima ili njihovim kategorijama;
- (b) broj pošiljaka bilja, biljnih proizvoda i drugih predmeta ili njihovih kategorija na kojima su provjere identiteta i fizičke provjere izvršene tokom prethodne godine;
- (c) ukupan broj i pojedinosti o nesuklađenostima zbog prisustva karantinski štetnih organizama na pošiljkama uvezenim u skladu sa ovim pravilnikom;
- (d) ukupan broj pošiljaka predmetne robe za koje je dostavljena notifikacija (obavještenje) o neusklađenosti zbog drugih razloga osim prisustva karantinski štetnih organizama i pojedinosti o njima; i
- (e) sve druge faktore relevantne za utvrđivanje fitosanitarnog rizika povezanog sa predmetnom trgovinom.

DIO 2

Kriterijimi Crne Gore za utvrđivanje i izmjenu stopa učestalosti provjera identiteta i fizičkih provjera pošiljaka robe ili njihovih kategorija

Smanjeni obim provjera identiteta i zdravstvenog stanja proizvoda sprovodi se na osnovu zahtjeva fitosanitarnog inspektora koji se podnosi Upravi.

Zahtjev sadrži sljedeće podatke:

- 1) opis proizvoda;
- 2) porijeklo proizvoda;
- 3) obim uvoza proizvoda u Crnu Goru, izražen kao broj pošiljki i težina ili broj komada ili broj jedinica pakovanja;
- 4) o štetnim organizmima sa Lista koji se odnose na proizvod;
- 5) broj zadržanih pošiljki proizvoda kod kojih je utvrđeno prisustvo štetnih organizama;
- 6) o procjeni pokretljivosti štetnih organizama naročito za njihov najpokretljiviji stadijum koji se može razviti na proizvodu;
- 7) broj pošiljki proizvoda zadržanih zbog drugih razloga;
- 8) broj pošiljki proizvoda na kojima je sprovedena provjera zdravstvenog stanja.

Podaci se dostavljaju za period od najmanje tri godine od dana podnošenja zahtjeva.

Smanjeni obim provjera identiteta i zdravstvenog stanja proizvoda obavlja se pod uslovom da je:

- 1) prosječan broj pošiljki u periodu od tri godine, za proizvod koji je uvezen u Crnu Goru na godišnjem nivou, najmanje osam; i
- 2) broj pošiljki proizvoda, za koji je obavljen fitosanitarni pregled tokom prethodne tri godine, najmanje 23; i
- 3) broj pošiljki proizvoda u kojima je utvrđena infekcija štetnim organizmima manji od 1% ukupnog broja pošiljki tog proizvoda uvezenog u Crnu Goru svake godine.

Procenat smanjenog obima provjera identiteta i zdravstvenog stanja proizvoda utvrđuje se u zavisnosti od:

- 1) broja pošiljki proizvoda zadržanih zbog utvrđenog prisustva štetnih organizama i pokretljivosti štetnih organizama u najpokretnijem stadijumu koji se mogao razviti na predmetnoj biljci ili biljnom proizvodu;
- 2) broja pošiljki proizvoda na kojima je sprovedena provjera zdravstvenog stanja;
- 3) drugih faktora koji su vezani za određivanje fitosanitarnog rizika.

Procenat je najmanji procenat provjere zdravstvenog stanja.

Ako su ispunjeni uslovi Uprava, po službenoj dužnosti, odlučuje o smanjenom obimu provjera identiteta i zdravstvenog stanja proizvoda i sačinjava spisak proizvoda sa procentom provjera koji objavljuje na svojoj internet stranici.

Ako se prilikom smanjenog obima provjera identiteta i zdravstvenog stanja proizvoda utvrdi da je 1% od ukupnog broja uvezenih pošiljki zaražen štetnim organizmom ili je notifikovano više zadržavanja pošiljki, taj proizvod se briše sa spiska.

PRILOG 3

Informacije potrebne za podnošenje zahtjeva Evropskoj Komisiji

Informacije u skladu sa članom 5 ovog pravilnika treba da sadrže:

- (a) opis predmetne robe;
- (b) porijeklo predmetne robe;
- (c) obim (veličina) uvoza predmetne robe, izražen kao broj pošiljaka i masa ili komada ili jedinica;
- (d) lista karantinski štetnih organizama koji bi se mogli nalaziti na predmetnom proizvodu;
- (e) broj pošiljaka predmetne robe za koje je utvrđeno da nisu usklađene zbog prisustva karantinski štetnih organizama iz tačke (d);
- (f) procijenjeni indeks mobilnosti karantinskih štetnih organizama iz tačke (d) u najmobilnijoj fazi do koje bi se mogli razviti na relevantnom bilju, biljnom proizvodu ili drugim predmetima;
- (g) broj pošiljaka predmetne robe zaustavljenih iz drugih razloga osim prisustva karantinski štetnih organizama iz tačke (d);
- (h) broj pošiljaka predmetne robe na kojima su izvršene provjere identiteta i fizičke provjere zdravlja bilja.

U pogledu informacija navedenih u tač. (c), (e), (g) i (h) dokumentacija mora da sadrži podatke koji obuhvaćaju period od najmanje tri godine koje prethode godini u kojoj je podnesena.